


曹能始先生選閱

宋詩選



宋詩選序



予作十二代詩選為期頗
亟或言于予曰子未可以
若是其幾也予應之曰
然顧亦自有說夫詩自漢

魏而下以至晉宋六朝三唐
予在金陵時閱邈再四繕
寫成帙旋散佚去予亦不
之問有暇乃更選或前後
並存者則以今昔之去取

而驗乎意見離合之何如
也魯論云子與人歌而善
必使反之而後和之夫詩
歌之屬也予不能歌亦未
能和但日披閱而尋繹之

序
尋繹不已若反之而已矣
宋元詩予槩未之經目集
亦不可多得但宋病于腐
元病于纖每聞乎稱詩者
之言以今觀之宋元自有

宋元之詩而各擅其一代
之美何可尚錮以瑕玃也
三山徐謝二家收藏頗夥
亦不輕借人興公予老友
幼年喜購小本書彙積

庚
三
銖累為日既久茲且倒篋
以俾予用顧予而喜曰子
詩遜成始知予前者之
積累為不虛矣在杭為
水衡時斥俸以抄秘閣所

藏益不欲輒之之外曩任
粵西總憲囑其掌記以架
上書惟余所欲觀毋怪今諸
郎尚遵名考之訓如一
日也予年家子林懋禮頃

亦好積書有所得每以告
余亦往之資手其所不逮
於是合此三家之書而選
宋元之集每代各百十數
家而卷亦稱是予觀唐

詩稱家感其在宋時宋敏
求嘗取唐人百家選擇其
佳者凡一千二百餘首為
一編王介甫觀之因再有
所去取且題云欲觀唐詩

者觀此足矣按即今之所
傳百家唐詩是也而今好
事家往往有稱集三百家
及五百家者大都掇拾一
二首至五六首以充數而

已豈有北宋之時僅獲一
百八家而在今日能數倍
之乎且宋汝道為三司條
例官與荆公密邇朝夕又
俱有鈞奇好古之癖而

今有能同官同志如二公
者乎故余謂遜宋元詩
代各百十數家亦足以成
書矣雖然宋之為宋亦
豈易言也執祖開國五星

聚奎識者已觀其人文之
盛而當代名德如寇萊公
韓忠獻公文正司馬溫公
歐陽公王荊公蘇文忠李
忠定文文山理學如周元公

程明道邵康節呂東萊
朱文公皆自成一家上足以
黼黻皇猷而下足以陶寫
情性乃若王元之楊大年
梅聖俞秦少游陸務觀謝

臯羽諸君子則又是端門
詞人本色也夫抵宋之為
詩取材廣而命意新不
欲勦襲前人一字而詩家
反以腐錮之其與予之向

未寓目者殆亦同病也歟
然而構思層疊稍涉議
論則有之夫如是則選當
用何法曰宋人之選宋詩也
而首寂萊公蓋以其合唐

調也王荆公唐詩選李
杜諸大家既不入格亦奉
此意然則予固以宋人之
選宋詩者選宋詩而已
矣故于萊公巴東集之首

而序及之以當凡例焉

崇禎庚午仲秋之吉石倉

居士曾學佺能始撰

宋詩選目錄

卷之一

寇萊公

卷之二

王元之

卷之三

宋景文

卷之四

楊大年

附錢思公 劉子儀



卷之五

韓魏公

卷之六

文路公 附 范蜀公

卷之七

范文正

卷之八

范堯夫 附 喻汝礪

卷之九

司馬公

卷之又九

余襄公 附 何耕楊甲

卷之十

周元公 附 張橫渠

卷之十一

程明道

卷之十二

邵康節

卷之十三

趙清獻

卷之十四

魏仲先 附 曹夢得 張維

卷之十五

林和靖

卷之十六

蘇子美 附 潘道遥 陶商翁 石延年

劉原父 劉貢父 沈存中 晁君成

卷之十七

歐陽公 附 歐陽永叔

卷之十八

梅聖俞

卷之十九

王荆公

卷之二十

鄭西塘 附 王平甫

卷之二十一

曾子固

卷之二十二

王岐公

卷之二十三

朱元章

卷之二十四

蔡忠惠

卷之二十五

陳述古

卷之二十六

賀方回

卷之二十七

蘇子瞻

卷之二十八

蘇子由

卷之二十九

黃魯直

卷之三十

秦少游

卷之三十一

張文潛 附 晁無咎

卷之三十二

文與可

卷之三十三

唐子西

卷之三十四

徐仲車

卷之三十五

晁叔用

卷之三十六

鄒忠公

卷之三十七

楊龜山

附

游廬山

游默齋

卷之三十八

陳無已

卷之三十九

曾吉父

卷之四十

劉偉明

卷之四十一

陳去非

卷之四十二

李泰伯

卷之四十三

洪景伯

附

韓南澗

韓仲止

許冲元

卷之四十四

謝幼槃

附

謝無逸

卷之四十五

彭器資

卷之四十六

黃冕仲

卷之四十七

鄧志宏

附

章 棗

卷之四十八

李忠定 附 岳武穆

卷之四十九

歐陽德明

卷之五十

汪彥章

卷之五十一

范致能

卷之五十二

陸務觀

卷之五十三

范茂明 附 范賢良

卷之五十四

周益公 附 趙章泉

卷之五十五

羅端良 附 羅仲素

卷之五十六

呂居仁 附 胡衡仲 呂伯恭 附 楊萬里

卷之五十七

朱韋齋

卷之五十八

劉彥仲

卷之五十九

朱文公

卷之六十

陳幾叟

卷之六十一

胡仁仲

卷之六十二

林艾軒

卷之六十三

林月漁

卷之六十四

陳元潔

卷之六十五

林虞齋

卷之六十六

卷之六十七

張敬夫 附 尤延之

卷之六十七

真希元 附 真山民

卷之六十八

劉潛夫 附 方孚若

卷之六十九

黃直卿

卷之七十

陳止齋

卷之七十一

徐靈暉 附 徐靈淵

卷之七十二

翁靈舒 附 起靈秀

卷之七十三

黃師憲

卷之七十四

張子韶

卷之七十五

宋器之

卷之七十六

王民瞻

卷之七十七

沈忠敏

卷之七十八

崔清獻

卷之七十九

吳文肅

卷之八十

李似大

卷之八十一

王龜齡

卷之八十二

戴式之 附戴景明

卷之八十三

高彥先 附姚仲純

卷之八十四

李忠簡

卷之八十五

杜成之

卷之八十六

葉水心

附

劉雲莊

卷之八十七

熊勿軒

卷之八十八

徐文惠

卷之八十九

謝臯羽

卷之九十六

文宋瑞

附

謝疊山

卷之九十一

陳尚德

附

韓信同

卷之九十二

王魯齋

附

劉無黨

卷之九十三

嚴儀卿

卷之九十四

裘元量

卷之九十五

吳式賢 附李燾

鞏仲至

徐致中

姜堯章

卷之九十六

劉文清

卷之九十七

呂仲安 附呂大亨

卷之九十八

林德暘 附趙萬年

卷之九十九

王介翁

卷之一百

劉水村 附劉如村 唐清父

卷之一百一

葛白叟

卷之一百二

黃姬仲

卷之一百三

洪覺範

卷之一百四

釋明表 附 慈受禪師

卷之一百五

釋真淨

卷之一百六

僧仲靈 附 僧仲晦 楊公濟

卷之一百七

詩僧

宋詩總目終

寇忠愍集小序

公諱準字平仲華州人宋太平興國中登進士科淳熙五年叅知政事定策立真宗爲太子景德元年拜平章事契丹入寇決親征之策封萊國公以丁謂之譖貶雷州司戶卒諡忠愍此公生平勛業之大節也

任

按文獻通攷宋集中編

次寇忠愍爲首又通攷引晁公武曰曾慥守贛州及帥荆渚日裒輯本朝詩選自寇萊公以次至僧璉二百餘家則余之選宋集首萊公者蓋

本此耳曾端伯又言歐王蘇詩俱不選卽王荆公選詩不及李杜韓之意然則萊公之詩豈獨以次并有宋哉而其聲調適逸之入選也當復然矣

石倉十二代詩選

宋詩卷之首

巴東集

宋下邳寇準著

明後學曹學佺閱

奉聖旨賦牡丹花

時正言直館

栽培終得近天家獨有芳名出衆花香遞暖風
飄御座葉籠輕靄襯明霞縱吟宜把紅牋爨留
賞惟張翠幄遮深覺侍臣千載幸許隨仙仗看

穠華

江南春

歷代詩選 卷之三
波渺渺柳依依孤村芳草遠斜日杏花飛江南
春盡離腸斷蘋滿汀洲人未歸

追思柳惲汀洲之咏尚有遺妍因書一絕
杳杳烟波隔千里白蘋香散東風起日落汀洲
一望時愁情不斷如春水

暇日遊建平三閭故里廟貌荒涼慘動耳
目噫賢者之祀世不絕享郡無正人遺棄
若是感事傷俗因留斯句

人生苦遠遊多是悲登眺况復念三閭遺蹤良
可弔道直出章華才高逐邊徼寃聲噴夜江愁
色迷烟嶠斷碑沒敗莎古木吟荒廟祠破少來
奠岸峻稀停棹神容漬老苔壞壁通殘照舊徑
失朱門空庭起寒燒餘基雖索寞清閭長光耀
旌賢誰再興勿使過者誚

水閣晨起

板閣常晏眠偶獨起清旦月落簷鳥語烟開客
船散長江色自澄汀樹聲空亂羣動又復然勞
勞可長嘆

晚望有感

出門望寒野四顧惟椒坡憶昔楚大夫還此情
如何殘陽半明雨水落西風多因同下蔡恨不
覺增悲歌

南浦

春色入垂楊煙波漲南浦日落動離魂江花泣
微雨

長郊雨餘遠樹減翠新蟬忽鳴激耳嘹唳
久客孤坐情如何哉形之於文聊以自遣

遙山夏雨歇遠樹涼風至憑欄偶開襟新蟬動
秋思沙溪潔細流庭木驚踈翠節候又復然幽
憂斯所萃芳歲若奔流羲光不停轡感物悼前
期誰知此時意

雪霽池上

霽雪池上亭晴光扇泉石暖覺岸冰消靜聞簷
溜滴務簡身暫閑景幽心自適極目望南山圭
峯露微碧

春日登樓懷歸

高樓聊引望杳杳一川平
遠水無人度孤舟盡
日橫荒村生斷靄深樹語
流鶯舊業通清渭沈
思忽自驚

再歸秦川

阮路何方盡西歸興未勞
河流經陝狹山色入
秦高返照明秋壘孤村接
暮濤還如丁令至故
里滿蓬蒿

秋夜獨書勉詩友

西風驚萬木危坐思悠哉
故國經年別秋鴻半

夜來人應多棄善天豈不
憐才休學嚴夫子荒

涼老釣臺

蕭蕭古原上

景物感離腸遠嶠收殘雨
寒林帶

夕陽溪聲迷竹韻野色混
秋光吟罷還西望平

沙起鴈行盡

念子隔江海浩然時已秋
蟬鳴關外樹人在水

邊樓髮白猶搜句時清向
旅遊遙思當永夜不

寐向孤舟
念千水村
卽事然却
虛齋臨遠
水吟釣度
朝哺葦岸
秋聲合莎
亭鶴影孤
片雲藏疊
巖野燒起
寒蕪獨步
時吟望離
人隔五湖
蕭蕭暮秋
感興
苒苒前期
遠窮途一
可傷有時
聞落葉不
語立殘陽
塞草秋先
白溪沙晚
更光那堪
望天末燕
鴈又成行

歲暮冬夜旅思
年少嗟羈旅
煙霽進未能
江樓千里月
雪屋一龕燈
遠信憑邊鴈
孤吟寄嶽僧
爐灰愁擁坐
硯水已成冰

初夏雨中
綠樹新陰暗
井桐雜英當
砌墜疎紅重
門寂寂經初
夏盡日垂簾
細雨中

感興寄蓮嶽一二詩禪友

西風傷遠別
前計竟成非
芳草此時暮
故山何

歷代詩選 宋冠公
日歸禪應同雅道貧合長天機
翻憶雲浮侶無
慘對夕暉

湖上作

極目望南浦望中生遠思
鴈沈芳草渡燒斷夕
陽陂歲月寒萍梗江山念別離
泪餘清夜夢暫
與白雲期

鄴北旅中懷友人

浮世多塵事悠悠難定期
夢闌懷遠夜秋盡望
鄉時道在應無悶風亡自業詩
何當歸釣渚楮

肘一沈思

楚江夜懷

西風生遠水蕭颯度吟臺
明月夜還滿故人秋
未來寒蛩啼暗壁敗葉下蒼苔
誰念空江外年
年首重廻

巴東寒食

春雨蕭蕭寒食天遠行猶在楚江邊
人思故國
迷殘照鳥隔深花語斷煙薄宦未能酬壯節良
時空自感流年因循未學陶潛興長見孤雲倍

巖然

歸州留別傅君

楊柳如絲拂畫橋此中留語欲魂銷
還愁別後巴東館獨聽空江半夜潮

余頃從穰下移涖阿陽洎出中書復領分

西風也每凭高極望思以詩句狀其物景久而
方成絕句書於河上亭壁

堤草惹煙連野綠岸花經雨壓枝紅年來多病

幸春醉惆悵河橋酒旆風

蟬鳴日午樹陰濃避暑行吟獨杖筇却愛野雲

無定處水邊容易聳奇峰

岸闊檣稀浪渺茫獨凭危檻思何長蕭蕭遠樹

疎林外半秋山帶夕陽

暮天寥落凍雲垂一望危亭欲下遲臨水數村

誰畫得淺山寒雪未銷時

今日送人

客亭殘照裏歌闌獨南行芳草無斷色離人多

別情遠塗方不極長笛更飛聲莫動鄉關念徒
令白髮生

柳

曉帶輕煙間杏花晚凝深翠拂平沙長條別有
風流處密映錢塘蘇小家

南陽春日

水滿池塘花遶城日斜南陌暖風輕千門柳色
春煙淡獨倚高樓聞暮鶯

中書秋

掖垣秋色生雞樹忽憶青丘感舊情曾倚西樓
吟暮雨數峯寒碧遶高城

送轉運梅學士進邊郡

悵飲惜離羣窮邊去路分雪深山館夜孤鴈背
燈聞

絕塞程苦遠窮陰歲欲殘石城歸夢斷隴月照

人寒

秋懷

卷首

輕雲不動日微陰
高樹無風秋色深
獨聽暮蟬臨水坐
十年林壑阻歸心

自古名高衆毀歸
只應身退是知機
林風驚斷西窓夢
一夜秋聲憶翠微

霽景有誰同
遠望秋懷無柰只
悲歌雲收遠嶠凝
嵐翠雨歇空庭敗
葉多

無題
金甲珠襦鏤繡局
杜城殘月葬娥英
春風候館花如雪
空有鶯傳度曲聲

東驛秋日晚望
楚驛獨閑望山村
秋暮天數峯橫夕
照孤笛起江船遣
恨須言命冥心漸
學禪遲遲未回首
深谷暗寒煙

南平驛
中流南平驛
巴塞風塵外
鼓立重來登望出
心隨流水還鄉國
身向青山上屈盤
遠夢不成秋雨細
西風一夜客亭寒

東歸再經峽中亭寒
復命經三峽波瀾極目愁片雲生斷壁孤石礙
中流道路連巴塞風煙接楚丘重來登望處因
念昔年遊

春陵聞鴈
危欄秋盡偶來凭霜落秋山爽氣澄誰道衡陽
無鴈過數聲殘日下春陵

荆南秋望
西風吹戶牖獨自客荆蠻積水浮秋漢微陽淡

遠山蟬稀踈葉盡雨歇片雲閑何日忘簪紱深
居石室間

秋日

柳衰蟬噪寒煙沒地迥山遙暮雨收宛是昔年
秋氣味只添多病與離愁

留題洛北羅漢閣

地高閣迥宜閑望望盡雲山首懶迴林下野僧
應笑我半年旌旆四曾來

輦下春日

雨餘宮闕麗春陰三月花光照上林誰倚青樓
望歸騎日斜南陌柳煙深

石倉十二代詩選 望盡雲山首宋詩卷之首 終

留題於北魏莫閣

王元之小畜集題引

謹按王禹偁字元之鉅野人家微賤九歲能為
歌詩畢士安見而異之及長善屬文太平興國
八年登進士第端拱初試文擢左司諫知制誥
判大理寺辨徐鉉罪忤旨貶商州團練副使久
之復召知制誥入翰林為學士孝章皇后崩梓
官遷主第禹偁謂后常母儀天下當用舊典以
謗訕左遷知滁州真宗即位復召掌誥修太宗
實錄坐語涉輕誣出守黃州徙蘄州卒年四十

八元之詞學敏贍獨步一時鋒氣俊勵極談世
事臧否人物以直道自任故屢被擯斥喜稱獎
後進當時名士多出其門下集自為序略曰禹
偁閱平生所為文類而第之得三十卷將名其
集以易筮之遇乾之小畜象曰君子以懿文德
未能行其施但可懿文而已因以小畜名集焉
大明天啓三年余郡林岡鄉之任夢有緋衣相
拜者曰吾王元之也因詢滁人謁其廟貌強半
頽廢始命重新之遡昔先生之歿垂五六百年
而其靈爽猶在如此

石倉十二代詩選

宋詩卷之二

小畜集

宋太原王禹偁著

明後學曹學佺閱

滁州庶子泉

唐大曆中隴西李幼卿
以言庶領滁來遊故名

物形固天造物景不自勝泉乎未遇人石罅徒
流迸宮相政多暇行樂躡巖磴發蒙漲為溪幽
致茲焉盛唐賢大曆後峭壁刻名姓我來一何
暮今秋始乘輿山勢環復缺狀如壺引柄乍挹
清泚姿頗愜幽閑性味將春茗宜光與曉嵐曛

歷代詩選 宋王元之
架竹落僧厨遠聲入晴磬何當宿禪室欹枕終
夜聽

明月溪

汎流者爲誰人骨皆已朽我來尋故跡溪荒亂
泉吼惜哉幽勝事盡落唐賢手惟餘舊時月團
團照山口

望日臺

荒臺隱層巒雲磴踰百尺攀蘿試一上依然有
遺跡掌舒舊砌平屏卓諸峯直憑高聊寫望孤
懷念鄉國長安不可見但對金烏赤傾盡葵藿
心庶免浮雲隔

陽冰篆

泠泠庶子泉落落陽冰筆雲氣勢崩垂龍蛇互
蟠屈嶧山旣剝滅石鼓嗟缺失惟茲數十字適
力倚雲窟模印徧華夷流傳耀緗帙書誠一藝
爾小道詎可忽乃知出人事千古名不沒

鳳凰陂

次公治潁川仁政被一方神物不藏瑞茲焉集

鳳凰在昔奏簫韶舜庭來蹒蹒西伯有至化亦
見鳴岐陽仲尼豈無德已矣空悲傷夫何刀筆
吏而能致殊祥我來過荒陂煙草但蒼蒼緬懷
漢循吏史筆恐未遑

成武縣作

釋褐來成武初官且自強位卑松在澗俸薄葉
經霜雨菌生書案饑禽啄印牀猶驚寫秋卷槐
砌落花黃

寄寧陵陳長官

吏隱寧陵縣琴堂枕古河家山隔江遠風雨過
船多假日親尋藥公庭自種莎相逢如舊識執
手動勞歌

寄金鄉張贊善

年少辭榮自昔稀朝衣卸却着斑衣北堂視膳
侵星起南畝催畊畝雨歸種竹野塘春筍脆採
蘭幽澗露芽肥伊予自是徒勞者未得同尋舊
釣磯

惠山寺留題

歷代詩選 宋王元之卷三 三
吟入惠山山下寺古泉閑挹味何嘉好拋此日
陶潛米學煮當年陸羽茶猶負片心眠水石畧
開塵眼識煙霞勞生未了還東去孤棹寒篷宿
浪花

遊虎丘山寺

寺墻圍着碧孱顏曾是當年海湧山盡把好峯
藏院裏不教幽景落人間劒池草色經冬在石
座苔花自古斑珍重晉朝王令宅一回來此便
忘還

寄獻潤州趙舍人

記言簪筆罷摘華郡閣高閒似道家琴院坐聽
江寺磬郡樓吟見海山霞春園遺母親燒筍夜
榻留僧自煮茶應笑陶潛未歸去折腰奔走在
泥沙

除夜寄羅評事同年

郡僚方賀歲獨宿太湖稜堦下羞爲吏船中祗
載僧折梅和薄雪煮茗對孤燈應恕慵趨府天
寒踏曉冰

春日官舍偶題

薄宦苦流離壯年心已衰
鶯花愁不覺風雨病先知
曉月晃竹屋寒苔疊
槿籬無人慰幽寂庭柳自低垂

吳江縣寺留題

松江江寺對峯巒
檻外生池接野灘
幽鷺靜翹春草碧
病僧閑說夜濤寒
晨齋施筍全溪叟
國忌行香祗縣官
盡日門前照流水
塵纓渾擬濯沔瀾

中元夜宿餘杭仙泉寺留題

祭廟迴來略問禪
蘚墻莎徑碧山前
風疏遠磬秋開講
水響寒車夜救田
藍綬有香花齒苔
竹窓無寐月嬋娟
自慙政術貽枯旱
忍卧松陰漱石泉

中秋月

何處見清輝
登樓正午時
莫辭終夕看
動是隔年期
冷濕流螢草
光凝宿鶴枝
不禁雞唱曉
輕別下天涯

蘇州寒食日送人歸覲

江城寒食下花木慘離魂
幾宿投山寺孤帆過海門
篷聲潑火雨柳色禁煙村
定省高堂後斑衣減淚痕

官舍書懷呈郡守

年來潘令鬢初凋瘦馬青衫耻下僚
藥債漸多醫宿疾宦情猶切戀明朝
空江梅雨添幽鬱古縣槐花鏤寂寥
賴有郡侯知已在每憐憔悴貫金貂

贈湖州張從事

前年春榜亞龍頭詞賦曾推第一流
上直未歸紅藥院供吟先得白蘋洲
酒醒野寺烹山蕨公退溪亭狎海鷗
自是吳門折腰吏滿衣塵土爲君羞

和郡僚題李中舍公署

樹影池光映曉霞綠楊陰下吏排衙
閒拖屐齒妨橫筍靜拂琴牀有落花
地脉暗分吳苑水厨煙時煮洞庭茶
青宮詞客能多暇按曲飛觴待

歲華

題張處士溪居

雲裏寒溪竹裏橋，野人居處絕塵囂。
病來芳草生漁艇，睡起殘花落酒瓢。
閑把道書尋晚迳，靜携茶鼎洗春潮。
長洲懶吏頻過此，爲愛盤餐有

藥苗

朝退偶題

吏隱金門祗似閑，退朝窮巷懶開關。
經年不到公卿宅，五日空隨侍從班。
禁漏出花寒歷歷，御

泉通市細潺潺。功名未立年猶少，爭忍携琴去

舊山

送郝校書從事相州

提筆從戎別帝鄉，官清兼領校書郎。
將軍幕下紅蓮媚，詩客袖中丹桂香。
吟倚旌旗春過雨，醉聽刁斗夜含霜。
金臺莫作多時計，非久應歸振

鷺行

送夏侯正言奉使江南

百舌關關麥隴青，遠山迎馬翠如屏。
禁中已誦

歷代詩選 卷五 宋王元之
相如賦江外猶看使者星衣拂茶煙尋水寺棹
歌梅雨泊沙汀歸期莫過中秋節侍宴甘泉月
滿庭

送馮學士入蜀
錦川宜共少年期四十風情去未遲蠶市夜歌
歛枕處峨眉春雪倚樓時休誇上直吟紅藥多
羨乘輶聽子規莫學當年杜工部因循不賦海

棠詩

和陳州田舍人留別

宛丘分理藉賢明暫輟詞臣撫百城職罷掖垣
人共惜郡連京輔自爲榮休吟紅藥堦前色且
聽長淮枕上聲駐馬都門相別處柳黃莎碧上
林鶯

硤石縣旅舍

霜乾紅葉飛遷客思淒淒處險人垂瘦登山馬
裹蹄籬荒蝨韻苦雲凍鴈行低此夕應無寐何
煩報曉雞

今平寒食

商山山裏風光亦四時
子

今年寒食在商山山裏風光亦可憐稚子就花
 拈蛺蝶人家依樹繫鞦韆郊原曉綠初經雨巷
 陌春陰乍禁煙副使官閑莫惆悵酒貨猶有撰
 碑錢

和與盧氏宋少府話舊遊

舊遊前政一追尋宦路遷移敵古今黃綬位卑
 曾歎命青宮官冷不妨吟煙嵐未改當窓色桃
 李應垂滿砌陰好寄新詩題舊壁爲言梅福珥
 朝簪

秋居幽興

秋光雖寂澹幽興入詩家籬暗螢啼菊園荒蟻
 上茄圍棋知日影理髮見霜華向曉兒童喜溪
 僧遺晚瓜

謫居人事懶幽興與誰同僧到烹秋菌兒啼索
 草蟲掃苔留嫩綠寫葉惜殘紅歲晏琴樽好籬
 邊有菊叢

前賦春居雜興詩間半歲不復省視因男
 嘉祐讀杜工部集見語意頗有相類者咨

於余且意余竊之也余喜而作詩聊以自

賀

命屈由來道日新詩家權柄敵陶鈞任無功業
調時鼎且有篇章到古人本與樂天爲後進誰
期子美是前身從今莫厭閑官職主管風騷勝
要津

村行

行穿山逕菊初黃信步悠悠野興長萬壑遞聲
含晚籟數峯無語立斜陽棠梨葉落胭脂色蒼
麥花開白雪香何事吟餘忽惆悵村橋原樹似
吾鄉

喜雪貽仲咸

半冬無雪懶吟詩薄暮紛紛喜可知衣上惹來
看不足竹邊聽處立多時光迷曙色推窓蚤舞
徧寒空下席遲今日使君倍相得前車飛絮醉
褰帷

霽後望山中春雪

誰種離離碎玉苗曉樓吟望興偏饒白雲作伴

宜長在紅日無情已半消
聚映蚤霞明野寺散
隨春水過溪橋
世間那得王摩詰
醉展霜縑把
筆描

春郊寓目
今日如詩
百舌嬌慵未苦啼
雪隨春水下松溪
何人樵樹
和雲斫幾處山田
帶雨犁蜀柳半開
鸚鵡眼海
棠深結麝香臍
東風似待閒人出
一路青莎襯
馬蹄

春郊獨步

襟袖飄飄晚吹輕
孤吟無侶亦閒行
綠楊繫馬
尋芳逕春草隨人上
古城不憤黃鸝誇巧舌
多
慙戴勝勸歸耕
憑高朗咏沉湘賦
自許吾生似
賈生

送融州任異戶曹

御前曾擢首科名
一掾如何萬里行
身落蠻夷
人共惜罪因文學
自爲榮吏供版籍
多魚稅民
種山田見象耕
君看成通十司戶
投荒終久是
公卿

公卿寄商州馮十八仲咸同年

遷客秋來捧詔還
故人多怪鬢毛斑
重爲東掖垣中士
猶夢西暉亭下山
薄憶宦情皆是刃
老思身計不如閒
何時獲約同歸隱
水竹蕭蕭但掩關

賈士送馮中允之任婺州

東南宦途多勝遊
婺女星下溪山幽
嚴陵隱德七里瀨
沈約詩名八咏樓
岸上黍離經故國
湖邊水脫正高秋
承明三入妨賢久
擬覓江鄉小

郡侯

寄題義門胡氏華林書院

水閣山齋架碧虛
亭亭華表映門閭
力田歲取千箱稻
好事家藏萬卷書
旋對杯盤燒野筍
別開池沿養溪魚
吾生未有林泉計
空媿妨賢卧直廬

送柴諫議之任河中

蒲津古郡得名公
諫紙盈箱且罷封
紅藥堦墀曾吐鳳
綠莎廳事舊鳴蜚
下車首謁重華廟
入

境先經五老峯見說西河淹上夏應知教授有
遺蹤

滁州官舍

忽從天上謫人間知向山州住幾年俸外不教
收果實公餘多愛入林泉朝簪未解何妨道宦
業無機卽是禪鈴閣悄然私自問郡齋何異玉
堂前

琅琊山

連袞復岩崑峯巒架沈寥流名自東晉積翠滿

南譙洞碧通仙界溪明潤藥苗古臺臨海日絕
頂見江湖杉影擎雲暗泉聲出竹遙廟碑傳漢
祖寺額認唐朝旱歲時霑稼靈蹤合禁樵詩章
因我盛屏障遣誰描近任人多秀頻登酒易銷
圖經標八絕瀟霍合相饒

臘月

臘月滁州始覺寒年豐歲暮郡齋閒官供好酒
何憂雪天與新詩合看山日照野塘梅欲綻燒
廻荒逕草猶斑吏人散後無公事門戟森森夕

鳥還

寄杭州西湖昭慶寺華嚴社主省常上人

夢幻吾身是偶然勞生四十又三年任誇西掖
吟紅藥何似東林種白蓮入定雪龕燈焰直講
經霜殿磬聲圓謫官不得餘杭郡空寄高僧結
社篇

和廬州通判李學士見寄

北門西掖久妨賢出入丹墀近八年且把一麾
淮水上敢思三接浴堂前將何政術稱循吏豈

有文章號謫仙除却清貧入詩詠山城坐客冷
無羶

送董諫議之任湘潭

依依行色滿帆檣又借仁風惠遠方暫去長沙
非賈誼猶虛計相待張蒼檻前波浪瀟湘闊雨
後汀洲橘柚香翰苑逐臣知最幸願聽民訟繼
甘棠

后土廟瓊花詩

春冰薄薄壓枝柯分與清香是月娥忽似暑天

歷代詩選 卷三 元之
深澗底老松擎雪白娑婆香長月嫩蕊少昏天

櫻桃漸熟牡丹已凋恨不同時輒題二韻

紅芳落盡正無慘吟遶空枝首重搔最恨東君

木少思不留檀口待櫻桃

病中書事上集賢錢侍郎

力疾奉朝謁歸來倦送迎老爲儒術誤瘦愛道
裝輕羅藥幽香散移琴細韻生長殮漸有味筍
蕨倍關情

妻兒慣蔬素僕馬任龍鍾一榻渾無物孤琴對

病容風翻簾影亂旱減井痕重幽寂誰爲伴扶
行賴瘦筇

送譚殿院之任南陽

大底人生樂故居山川况復漢南都別來墳墓
有宿草歸去田園多綠蕪銀印莫羞雙鬢白錦
衣兼照兩轡朱西垣衰病無慘客空羨此行謁
袴襦

對酒吟

勸君莫把青銅照一瞬浮生何足道麻姑又採

東海桑閭苑宮中養蠶老任是唐虞與姬孔蕭
蕭寒草埋孤塚我恐自古賢愚骨疊過北邙高
突兀少年對酒且爲娛幾日樽前垂白髮

不兼贈省欽米西風莫吹無夢客空美此亦臨
舊隱何年別翠微瀑泉聲入鑠禪扉御前曾寫
八分字天上特宣三事衣燈照夜庵霜後冷鼎
烹秋菌雨中肥終歸五老峰前去杯渡長江一

錫飛

石倉十二代詩選

宋詩卷之二

終

宋景文集小引

文獻通考景文集一百五十卷內有出麾小集
西州猥藁按公曾以知制誥出守成都時正脩
唐書詔許自隨而公燃宮燭以二婢侍筆研至
今爲成都佳話云公集已不傳百川學海所刻
公之筆記亦僅百十之一余但于成都文類瀛
奎隄髓文翰類選內采輯之亦思過半矣晁公
武以景文通小學故其詩文多奇字蘓子瞻謂
其淵源皆有考間或奇嶮難句然公晚年見少

所作憎之必欲燒弃今所輯公詩謂其學問有淵源則有之而無奇峻難解者所得于磨礪之功居多也古今詩話謂楊大年錢文僖晏元獻劉子儀與公詩皆宗李義山時號西崑體楊文公集尚存秘閣晏同叔竟自家寥寥胡元瑞筆叢謂抄沒嚴分宜家有元獻集爲人所持去不復可尋也予仍于律髓中夢得錢思公劉中山數首而附景文之後石倉居士曹學佺識

石倉十二代詩選

宋詩卷之三

西州猥稿

宋雍丘宋 祁著
明後學曹學佺閱

九日藥市作

陽九協嘉神期人始多暇五藥會廣屢遊肩開相駕靈品羅賈區仙芬崑闔舍擷露來山阿斲煙去巖罅係道雜提携盈襜更薦藉乘時物無賤投乏利能射饗岑互作主參齊交相假曹植謹贖令韓康無二價西南歲多癘卑濕連春夏

佳劑止刀圭千金厚相謝刺史王求瘼萬室繫
吾化顧賴惡石功捫衿重慚嗜

思賢閣尚余真愧而成詠

忝中二千石罷去輒尚真揆余本完士早蒙善
養仁執笏班華位飛綏侍邃宸如何金紫服乃
裹丘壑身西南一面重竭來駕朱輪牽拙歲再
尋初無德在民形象安足紀崖略聊自陳質陋
眸子瞭志泰眉宇伸誰謂彼已子而傳阿堵神
爵里三十八自參預呂公而下北四十一人赫
雷太尉張尚書程樞副皆再至赫

赫多名臣瞻前謝前哲垂彼慚後人

蜀地海棠繁媚有思加臚幹豐條苒弱可
愛北方所未見諸公作詩流播西人余
素好玩不能自默然所道皆在前人陳
跡中如國風申章亦無愧云

蜀國天餘煦珍葩地所宜濃芳不隱葉併艷欲
燃枝襞綵分羣萼均霞點萬蕤淺深雙絕態啼
笑兩妍姿絳節排煙竦丹釭落帶垂迴文錦官
日傳信到邊遲

海欖

哆熾風葉張困皴雨皮厚叢榛列蓋端攢旄注
旗首物以稀見珍材緣怪忘醜

枇杷

有果產西裔作花凌早寒樹繁碧玉葉柯疊黃
金丸上都不可寄咀味獨長歎

答朱公綽牡丹

珍蘂分清賞飛郵附翠籠蹄金點髮密璋玉鏤
跗紅香惜持來遠春應摘後空玩詩仍把酒恨

不與君同

贈楞嚴舒公上人

丈室錦城隈庭閒地徧苔飯從香積取花續少
林開講書經殘葉禪宵獨委煤無嫌一時學要
是暮雲才

將歸二首

遠假西南守三逢梅柳新衰令宦情薄老惜歲
華頻那釀工銷日巴禽巧喚春離家何所恨雁
後作歸人

雲棧短長亭今茲重作經叩嶮叱殘馭蜀分使
回星旅鬢雙垂雪羈懷一泛萍驪駒在門久此
曲若爲聽

長安道中悵然作

三輔古風燿征驂悵未前山園蓬穎外

賈山議
始皇侈

堊言後世不
得蓬穎蔽冢

宮室黍離邊樹老經唐日碑殘刻

漢年便須真隕涕不待雍門絃

興亡作今古事往始堪悲官破黃山在城空北
斗移走岡寒兔隱啼戌暮鴉飢灞岸重回首惟

餘王粲詩

過惠崇舊居

雖昧平生契懷賢要可傷生涯與薪盡法意共
燈長遺畫空觀貌殘詩孰補亡神期通一語無
乃困津梁

僑居

公宇靜寥寥居然俗意銷屐閒誰記齒帶適自
忘腰畝首秋殘穫城西日暮樵比來行樂慣隨
意度溪橋

歷代詩選 卷之三 四
春晏宴北園

天意歇餘芳
人閒日始長
落花風觀閣
睡鴨雨池塘
稍倦持螯手
猶殘藍尾觴
春歸無所預
羈客自回腸

臘後晚望

寒日繫難定
鳴笳弄已休
凍崖初辨馬
昏谷自量牛
漢樹臨關密
胡泉入塞流
登高能賦未
風物古堯州

王贈清逸魏閑處士

奕世依岩石
褒恩下帝庭
姓名高士傳
父子少微星
池溜遙通澗
家林近帶坵
分明詔書意
天極賜鴻冥

答勸農李淵宗嘉州江行見寄

嘉月嘉州路
軻峩接部船
山圍杜宇國
江入夜郎天
霽引溪流望
涼供水閣眠
愧君舟楫急
遂欲濟長川

中秋新霽壕水初滿自城東隅泛舟回謝

公命賦

歷代詩選
齊舫談經後官池載酒行斜陽鳥外落新月樹
端生演漾思江浦夷猶遶郡城東轅有遺恨日
想物華清

再遊海雲寺作

十里雲邊寺重驅千騎來天形歆野盡江勢讓
山回園柰濃成幄樓鐘近殷雷斜陽歸鞅促飛
蓋昂輕埃

題信相院默庵

對言方有默因默乃名庵庵留默不遣一物遂

爲三龜掃泥中痕正恐力弗堪自問呵默者了
然成妄談

渡湘江

春過瀟湘渡真觀八景圖雲藏岳麓寺江入洞
庭湖晴日花爭發豐年酒易沽長沙十萬戶遊
女似京都

城隅晚意

寥寥天意晚稍覺并閭閒水落呈全嶼雲生失
半山牛羊樵路暗燈火客舟還暝思輸鳧鵠歸

飛沆漭間

夏日陪提刑彭學士登周襄王故城

聊隨漢使者一止周王城片雨北郊晦殘陽西
嶺明野禽呼自別香草問無名誰復黍離詠但
多箕穎情

東晉

倉卒浮江日聲明建號初群臣讓禁巒上宰製
單練氣銳開桁戰心歡折屐書織兒競撞壞不
念好家居

余昔遊雲臺觀謁希夷先生陳搏祠堂緬
想其人今追作此詩

仙館三峰下年華百歲中夢休孤蝶往蛻在一
蟬空藥笈微言秘宵晨浩氣通丹遺舐後鼎林
遣御餘風市霧沈荒白飡霞委暗紅峨眉眉有歸
約飛步與誰同

懷古眺望

城闔聊屬眺千古恨悠悠夏享空臺毀韓亡故
社留廟祠旌穎鳳溪水識巢牛春色依林動晨

歷代詩選 宋宋景文 十
煙傍戍浮庠騶聞自集田鶴叫相求町篠黃緣
密川葭霍靡柔櫟墟迷鄭鄙隗路隔軒遊感昔
如吾輩曾經幾斛愁

詠史

古有容容福人譏齷齪員生貪巧作奏死戒直
如弦欲重高門地非論媚竈天詩書大儒家絲
竹後堂旃東閣翻芻馬西園竊瘞錢道謀誰執
咎戶選不因賢朱鼓成妖日羗雛入賀年須防
反室詔終取闔門憐異日讒成錦先時默似蟬
空貽後人歎流涕掩青編

覽蜀宮故城作

國破江山老人亡岸谷摧鴛飛今日屋鹿聚向
時臺故苑猶霏雪荒池但劫灰頽遺糊處壤闔
記數殘枚恨月窺林下悲風覓隴來依城孤獨
速失屐鷲裴回廢社纔存樹陰垣自上苔有情
惟杜宇長爲故王哀

集海雲鴻慶院

地勝祠仍古春餘物徧華山雲時抱石佛雨不

萎花嶺挾樓梯峻巖牽殿城斜淙谿雜環珮怪
蔓走龍蛇供坐僧飛鉢香園客戲沙吾遊真草
草深意屬青霞

次韻和季長學士正月二十八日出郊見

寄之什

邦人以是日祠保壽侯及唐杜丞相云

雅俗傳祠日年華重宴辰初陽澹江霧小雨破
街塵客蓋浮輕吹齋刀儼後陳林芳催兔日原
色換龍鱗壤路歌聲雜構侶舞疊新持盃徧酬
客惟欠眼中人

十日宴江瀆亭

節去歡猶在賓來賞更延悠揚初短日淒緊乍
寒天霽沼元非漲秋花自少妍蟻留新獻耐蕙
續不殘煙戲鰕衝餘藻遊龜避折蓮流芳真可
惜從此遂凋年

漱玉齋前雜卉皆龍圖王至之所植各賦
一章凡得八物或賞或否亦應乎至之之
意歟遂寫寄至之

萱草

脩筵無附葉繁葦攢筵首每欲問詩人定得忘

憂否

淡紅石榴

移植自西南色淺無媚質不競灼灼華而效離

離實

芍藥

有名見鄭風今賞異疇日采花當采根可能治

民疾

蜀葵

紅白相嗣繁色鈍香亦淺相對庭戶間俗尚焉

能免

蜀竹

脩脩稍出顛辭卑不肯叢有節天容直無心道

與空

東山菊

纖莖寒始密秀葉晚逾滋芳意君須識羣葩搖

落時

芭蕉

不枝惟葉茂無幹信中空所以免摧折爲依君
子風

官下

東泊驂驪一駐車
魏雲茱木澹扶疎
鄭有魏山風經

禦寇仙遊外野識禪
謀草創餘頽谷寒煙
仍井邑時門殘日但
丘墟兩都大道過從
盛不稱支離佩左魚

洛陽春

寶樓斜倚闕西天
北轉樓陰歷素漣
白雪久殘

梁複道黃頭間
守漢樓船塵輕未
損朝來霧樹暖才
容臘外燼弭節不
妨饒悵戀待歌魚
藻記他年

寄題相臺太尉韓公畫錦堂

瑞節前驅畫錦身
堂成署榜示州民
遷鶯賀燕聯翩集
嘉樹甘棠次第春
漳岸夕波通沼溜
魏臺瞰日弄梁塵
君看千古青編上
得意如公有幾人

寒食假中作

九門煙樹蔽春廬
小雨初晴撥火前
草色引開盤馬地
簫聲催暖賣餠天
榮綵早絮輕無着
弄袖和風細可憐
驚署侍臣貪出沐
珉糜珠餽愧頒宣
把酒
歌管嘈嘈月露前
且將身世付酡然
謾誇麤鼠機頭箭
不識醯雞甕外天
青史有人譏巧宦
黃金無術治流年
君看醉趣兼醒趣
始覺靈均更可憐

余既到郡有詔仍修唐書寄局中諸僚
一章通奏領州麾
詔許殘書得自隨
吾黨成章真小子
官中了事是癡兒
昏眸視久花爭亂
倦首搔餘雪半垂
所願弟兄皆傑筆
劉生當見汗青期

真定述事
莫嫌屯壘是邊州
試聽山河說上遊
帳下文書三幕府
馬前鞞韞五諸侯
王藩故社經涂國
俠窟餘風解服仇
四十年來民緩帶
使君何事不

輕裘

擬杜子美峽中意

天入虛樓倚百層四方遙謝此登臨
驚風借壑爲寒籟落日容雲作暝陰
峴井北拋王粲宅楚衣南逐女嬃砧
十年不識長安道九籥宸開紫氣深

春宴行樂家園

園荷初乾小雨泥飲壺遊屐况親携
身輕早蝶千回舞技癢新禽百種啼
乘飲草茵侵坐軟畏

風桃綬向林低陽暉自有留人意
銜照高樓未遽西

落花

墜素翻紅各自傷青樓煙雨恐相忘
將飛更作迴風舞已落猶成半面妝
滄海客歸珠迸淚章臺人去骨遺香
可能無意傳雙蝶盡付芳心與蜜房

將到都先獻樞密太尉相公

再試州旗驗不才却將憔悴到中臺
相車問罷

輕裘

擬杜子美峽中意

天入虛樓倚百層四方遙謝此登臨
驚風借壑爲寒籟落日容雲作暝陰
峴井北拋王粲宅楚衣南逐女嬃砧
十年不識長安道九籥宸開紫氣深

春宴行樂家園

園枿初乾小雨泥飲壺遊屐况親携
身輕早蝶千回舞技癢新禽百種啼
乘飲草茵侵坐軟畏

風桃綬向林低陽暉自有留人意
銜照高樓未遽西

落花

墜素翻紅各自傷青樓煙雨忍相忘
將飛更作迴風舞已落猶成半面妝
滄海客歸珠迸淚章臺人去骨遺香
可能無意傳雙蝶盡付芳心與蜜房

將到都先獻樞密太尉相公

再試州旗驗不才却將憔悴到中臺
相車問罷

歷代詩選 宋 宋景文 十三
同牛喘大厦成時與燕來今日謀猷須丙魏他
年賓客但鄒枚西園聞道餘春在尚及花前漱
艷盃

和致政燕侍郎舟中寄晏尚書

異時仙閣對三休頓首辭榮動邃旒疎廣故僚
供祖帳鴟夷盡室付歸舟側堵生玉懷歡宴列
壁圖山代遠遊新句漸高塵累少紫芝巖曲要
相求

送越州陸學士

梅天霞破候旗乾鄉樹依然越絕間挾策當年
逢掖去懷章此日繡衣還亭餘內史浮觴水路
入仙人取箭山牛酒盛誇先野宴不妨春詔得
親班

成都

風物繁雄古奧區十年僖父巧論都雲藏海客
星間石花識文君酒處壚兩劒作關屏對繞二
江聯派練平鋪此時全盛超西漢還有淵雲杼
頌無

二月十八日席上方憶季長未還不同斯
樂欲作詩寄之會使者來已有新章今
牽聯成篇拜呈上

煙壓西郊雨壓津滿城歌吹爲芳辰江形左右
衣留帶柳色高低趨與塵暖逼園花迎望密曉
催林鳥每啼新知君貪擁光華節未肯樽前共
惜春

九日宴射

佳節憑高駐綵旗亭臯霧罷轉晨曦墀間羽集
號猿後臺外塵飛戲馬時芳菊治病爭汎藥丹
黃辟惡徧傳枝明年此會知何處醉玉頽山不
用辭

程密學知益州

墀塗晝對別堯瑩細札芝泥襲綬馨三蜀舊臺
呼輻寵十連新府夢刀靈雲梯霽日明鈎棧雨
閣蒼苔蝕劔銘只恐廉襦歌未厭熒煌歸應六
符星

重陽不見菊

蜀地秋高未擬寒翠苞如粒露華乾重陽已過
君休恨留取金英晚節看

武夷新集小引

按公自序云余咸平戊戌歲九月受詔知括蒼
郡逮十有二月戊子朏始達治所凡再更年籥
復朝于京師未半載入西臺掌誥命迄景德三
祀龍集丙午仲冬之七日被召入翰林會庚戌
詔書許百執事以旬休出沐頗燕居多暇因取
十年來詩筆條次爲二十編目之曰武夷新集
蓋山林之士不忘維桑之情雕篆之文竊懷敝
帚之愛命題之意良在是也余亦勵精爲學抗

心希古期漱先民之芳潤思覲作者之宦奧而
志力淺局襟靈底滯大懼夫絕臆于龍文之鼎
傷吻于蟻封之垆非不勉也恐致敗焉亦由鳧
鶴之質自然胡能損益薑桂之性素定豈可變
遷鴻麗之客當見恕矣輒將假詞大手序以冠
篇又慮其相先與進投瑕溢美刻畫無鹽祗足
益其陋穿鑿混沌彌以喪其真故不避乎厚顏
聊援筆以自述云耳時崇禎改元之十月佺借
抄本于故友謝在杭而哀選之凡若干首云

石倉十二代詩選

宋詩卷之四

武夷集

宋浦城楊太億撰

明後學曹學佺閱

奉和御製社日詩

仙掌凌空沆瀣秋大田多稼似雲浮天邊霽景
芙蓉闕江上殘芳杜若洲東觀羣儒宜宴樂南
荆遺俗重嬉遊宸章忽降容瞻覩疑是神龜負

九疇論風知本濕淋在祖考

山別賦賞花西熱日外

仙山靈沼五城西曉日花光照彩霓露濯冰蠶
鋪瑞錦風吹水麝折香臍芳葩散採添蜂蜜紅
片狂飄雜燕泥曾識壺中舊春色桃源重到路
猶迷

郡齋西亭卽事十韻招麗水殿丞武功從

郡齋退食復何爲縱目西亭景物奇

豐嶂雨餘泉眼出澄潭風靜釣絲垂城臨古戍寒蕪濶路
轉荒村野豹危幾處唱歌聞白紵誰家沽酒見

青旗蝶隨遊妓穿花逕犬吠行人隔槿籬桃李
成蹊春盡後魚鹽爲市日中時桑麻萬頃晴氛
散絲竹千門夕照移吟際嶺雲飛冉冉望中隴
麥秀離離煙迷喬木鶯遷蚤水滿方塘鷺下遲
鶴蓋翩然肯相顧主人終宴豈知疲

京師故人有以隴西鸚鵡遺余者因畜養

之去年出守縉雲提挈而至性靈甚慧

觸類能言公退翫之常若不足忽遇疾

而逝因命瘞于小園作詩一章聊以追

悼識者無罪余以貴畜也

隴山秋樹舊巢傾遠向江東逐旆旌去國夢魂
應繚繞入春喉舌漸分明一聲警露何慙鶴百
轉遷喬肯讓鶯終日雕籠神不主經年丹嘴色
猶輕思歸悒悒因成疾顧主依依尚有情死葬
小園芳草地夜來經雨綠苔生

次韻和席衢州憶洛陽春遊十四韻

周漢經營跡未遐山川形勝最堪嘉前瞻闕塞
千尋出旁逗伊流一派斜子晉鳳笙調夜月宓

妃羅襪映朝霞何人貰酒青樓曉幾處尋春紫
陌賒駿馬每從金埒試芳叢多展翠帷遮出逢
勝境爭飛蓋歸逼殘陽競走車庭竹惹煙披嫩
籜皁蘭裊露長新芽嵩峰峭崿疑摩斗洛水清
泠欲見沙萬井閭閻真陸海九重宮闕是天家
禁林日暖空啼鳥御苑風微自落花關路行人
偏絡繹津橋賈客苦誼譁何當獻賦論遷鼎便
欲拋官學種瓜江海二年勞夢想田園二頃有
生涯應知父老沾堯化長挈壺漿望翠華

到郡滿歲自遣

迢遞分符竹因循度歲華地將鯨海接路與鳳
城賒觸石雲頻起銜山日易斜潮平聚漁市木
落見人家吏隱偏知幸民謠豈敢誇無嫌勾漏
僻且得養丹砂

偶書

朱輪遠守詎成歡薄宦令人意漸闌郡閣政清
慵按吏鄉園路近易休官梅花遶檻驚春早布
水當簷覺夏寒也是二年不聞問何如歸去把

漁竿

題張濬所居壁

三張舊族富英髦仙墅重經散鬱陶深喜太丘
家法在須知定國里門高分題每日搖鷄距合
宴常時把蟹螯獨感戴侯恩未報徘徊不覺涕
沾袍

題張居士壁

疊巘參差翠遶門雕梁賀燕自成羣殺雞日夕
期嘉客種竹寒暄對此君且向東臯輪黍稷應

須北闕降玄纁子真漫說耕巖石不禁聲名四
遠聞

留題黃山院

禾黍離離一徑通遊人攬轡卽過從趨齋幽鳥
聞疎磬出定高僧記偃松夜半龕燈凝古殿雨
餘巖溜迸前峰昔年曾此題名處素壁欹斜翠
蘚重

梁舍人奉使巴中

藥署深巖纔草詔劔關迢遞忽乘輶霜天歷歷
巴猿苦山路駸駸笮馬驕梁苑寒風吹別袂瞿
塘春水送歸橈紫垣遣使非常例應有星文動
九霄

次韻和盛博士雪霽之什

六花新霽白皚皚爽氣颼颼拂面來梁苑酒濃
寒力減謝池風細凍文開天邊幾陣聞歸雁江
外千家見蚤梅此際何人能訪戴剡溪清景好
銜杯

宋殿丞廣南東路轉運

天子憂南越公卿薦陸生九年須富國萬里便
揚旌封部諸蠻接官曹六尚榮交州何日到鼓
吹定相迎

閣門廖舍人知袁州

駸駸五馬動征塵太守風流世絕倫身事漢庭
爲小相家傳楚國是騷人煙波莫歎重湖遠桑
梓仍將別墅隣麥穗微黃稻苗綠朱輪入境便
行春

次韻和宗人安期見賀恩命之什

分班曉入翔鸞闕直閣旁連浴鳳池綵筆閒批
五色詔好風時動萬年枝勒移鐘阜慙歸晚稱
疾文園恨思遲何事吾宗心倍喜春塘夢徹寄

新詩

成都鳳道人遊終南山謁神微君

何年出蜀訪南宗深鎖閑房翠蘚重振錫忽聞
遊地肺題門兼得謁人龍供吟一路高秋月投
宿斜陽遠寺鐘到日彌天清論罷行尋紫閣與
圭峯

七夕

金壺漏滴正迢迢
靈匹相從在此宵
月魄嬋娟烏遶樹
河流清淺鵲成橋
雲輕天上榆花沒
風細爐中麝炷飄
寂莫堪憐觀津女
無眠耿耿望青霄

大理黃丞使潁州

詳刑新佐張廷尉
出塞曾隨霍冠軍
露版裁書頻倚馬
甘泉獻賦舊凌雲
幾瞻龍袞堯階側
暫駕星輶汝水濱
百萬提封周制復
三千奏牘漢

皇聞依蓮幕
府遊從近聚
米山川向背分
迴日受釐宣室對
又應前席動吾君

王中庸赴河南鞏縣尉

春風祖席引香醪
白馬驪駒草色袍
官舍前臨兩京道
居民半雜五陵豪
卑飛碌碌猶棲棘
餘地恢恢暫鼓刀
捧檄初同昔人喜
不應搔首歎徒勞

陳小著知邵武軍

奏牘金門奉帝俞
平明鸞省剖銅符
北堂送喜

應占鵲南國思歸不爲鱸歲月天涯鄉樹老煙
波江上客帆孤會稽友壻堪羞死邑令今來負
弩驅

王殿丞通判桂州

科名得玉向崑丘家世長淮入海流通籍殿中
鈎盾省頒條嶺外桂林州漢皇前席期清夜楚
客歸帆指素秋父老歡聞鄰郡政壺漿千里待
鳴騶

慎大詹以吳柑見貺

龍陽休說木奴洲震澤黃柑占上流承露玉漿
仙掌曙亞霜金顆洞庭秋香黏素手吳娃麗冷
滌朝醒楚客愁應似荔枝催入貢隨河飛鳥逐
鳴騶

秘閣舒職方知舒州

西崑冊府控千廬鉛筆多年校魯魚厭享雙鷄
大官膳貪乘五馬使君車明光畫省辭青瑣天
柱仙壇訪紫書只恐政成拋印綬携家深入白
雲居

擇良上人歸天台

片席焚犀經水府幾程登陸望霞標吟情晚日
繁雲合歸路秋風密葉凋行道六時廬嶽漏浮
杯千里浙江潮舊房宴坐觀空後香積多年飯
頓銷

遊王氏東園

名園聊得拂塵衣深入春叢一逕微萬樹未饒
金谷富百畦猶有漢陰機青蘋風暖天鷄出文
杏巢乾海燕歸向晚鳴騶九門路柳堤回首獨

依依

書懷寄劉五

風波名路壯心殘三逕荒涼未得還病起東陽
衣帶緩愁多騎省髣毛斑五年書命塵西閣千
古移文愧北山獨憶瓊枝苦霜霰清樽歲晏強
醺顏

吳待問之蒙城薄

西來赴調合關繻黃綬風塵厭九衢祖席且同
開口笑公庭未免折腰趨長安車馬偏欺客魯

歷代詩選 宋穆九年 九
國衣冠肯戲儒共憶故園歸計晚舊遊煙樹隔
重湖

休沐述懷寄秘閣錢少卿

風號電笑雨平堦
紈素微涼暗入懷
晝枕乍成園吏夢
晨蔬聊學太常齋
名慙引籍通丹地
心愧移文刻翠崖
大隱金門猶自適
日親方朔聽詼諧

附錢惟演詩

寄靈仙觀舒職方學士

方瞳玄髮粉爲郎
絳闕齋心奉紫皇
徵士高懷雲在嶺
騷人秋思水周堂
開園露草開三徑
靈宇華燈燭九光
知有美田堪種玉
幾時春渚逐歸艎

南朝詠古

結綺臨春暎夕霏
景陽鐘動曙星稀
潘妃寶釧光如畫
江令花牋落似飛
舴艋臨波朱火度
舩稜拂漢紫煙微
自從飲馬秦淮水
蜀柳無因對殿幃

詠唐天寶間事

山上湯泉架玉梁雲中複道吐瑤光
絲囊暗合三危露翠幃時遺百和香
任是金鷄親便坐更拋珠被掩方牀
匆匆一曲梁州罷萬里橋邊見夕陽

公子

蓮勺交衢接荻園來時十里一開筵
歌翻南國桃根曲馬過章臺杏葉鞦
別殿對迴雙綬貴後門歸夜九枝燄
閒隨翠幃歛烏帽紫陌三條入

柳煙

漢武

一曲橫汾鼓吹迴侍臣高會栢梁臺
金芝燁煜凌晨見青雀軒翔白晝來
立候東溟邀鶴駕窮兵西極待龍媒
甘泉祭罷神光滅更遣人間識玉杯

成都

武侯千載有餘靈盤石刀痕尚未平
巴婦自饒丹穴富漢庭還負碧砮征
雨經蜀市應和酒琴

歷代詩選 卷四
到臨邛別寄情知有忠臣能叱馭不論雲棧尚
峰嶸

始皇

天極周環百二都六王鐘鏐接流蘇金椎謾築
甘泉道七首還隨督亢圖已覺副車驚博浪更
携連弩望蓬壺不將寸土封諸子劉項錄來是
匹夫

無題

誤語成疑意已傷春山低斂翠眉長鄂君繡被

朝猶掩荀令薰爐冷自香有恨豈因燕鳳去無
言寧爲息侯亡合歡不驗丁香結祇得淒涼對
燭房

其二
白帝哀哀國祚歸幽篔簹千氣嫩

簾聲燭影浪多疑仙穀何能爲解迷藻井風高
蛛壞網古梁春暖燕爭泥更看山遠堆凝黛縱
許犀靈抵駭鷄枉裂霜繒幾千尺紅蘭終夕露

珠啼

苦熱

赫日烘霞鬪曉光雙紋枕簟碧牙牀頻傾蜜勺
寧蠲渴久捧水壺未覺涼雪嶺却思隨博望風
窗猶欲傲羲皇更憐乳燕翻飛處深入盧家白
玉堂

秋日小園

碧簾涼生白袷衣庾園秋晚得幽期千房嫩菊
金螢亂百草衰荷鈿扇欹日薄蘚花沿素壁雨
淫蛙鼓占清池翛然自合蒙莊趣誰識無心似
標枝

劉子儀詩

淮水暴漲舟中有作

行行極目天無柱渺渺橫流眼有花客子方思
舟下碇陰虬自喜海爲家村遙樹列秦川薺岸
濶牛分觸氏蝸鳶嘯風高良可畏此情難諭坎
中蛙

寄靈仙觀舒職方學士

石渠仙署久離羣抗迹丹臺世絕倫揚子不甘
嘲尚白漆園終許自全真紫煙深處鸞雙舞朱

歷代詩選 宋劉子儀 卷四 十一
髓成來鳥共伸若向雲中見雞犬可能渾望姓
劉人

題林處士肥上新屋壁

久厭侯鯖盡室來卜居鄰近釣魚臺舊山鶴怨
無錢買新竹僧同道宅栽丰酒誰從揚子學扁
舟空訪戴逵回抽毫有污東陽望但借明時老
澗才

南朝詠古

萃林酒滿勸長星青漆樓高未稱情麝壁燈廻

偏照日雀航波漲欲浮城鐘聲但恐嚴妝晚衣
帶那知敵國輕千古風流佳麗地盡賒哀思與
蘭城

詠唐明皇

歲歲南山見壽星百蠻回首奉威靈梨園法部
兼胡部玉輦長亭復短亭河鼓暗期隨日轉馬
嵬恨血染塵腥西歸重按臨波舞故老相看但
涕零

漢武

漢武天臺接絳河半涵飛霧鬱嗟峨桑田準待
他年變瓠子先成此日歌夏鼎幾遷空象物秦
橋未就已沈波相如作賦徒能諷却助飄飄逸
氣多

成都

鏤膚剝俗恣邊遨或得蹲鴟號富饒井絡共知
天與險蠶叢無奈世興妖杜鵑積恨花如血諸
葛遺靈柏半燒才似文園何足道一生琴意祗
成疴

公子

油壁香車隔渭橋黃山路遠若相邀行庖爨蠟
雕胡熟永埒鋪金汗血驕別館橫陳張勝婉期
門長揖霍嫖姚注鈎握槊曾無憚綠桂膏濃曉
未銷

廣雅釋詁

石倉十二代詩選

宋詩卷之五

安陽集

宋相州韓琦著

明後學曹學佺閱

啄木

剝剝復卜卜意若念良木營營求蠹心未獲空
我腹或露一穠紅或展雙翅綠捷緣都盧撞響
弄羯鼓曲搜索不知疲利觜信摧秃忽爾破姦
穴種顛無遺族內孽固難辨一發知潛伏彼實
害珍材盡殄此非酷飽食作羣飛時下泉沼浴

石倉代詩選

宋詩卷之五

華士

歸鳴涼樹陰暮趁高枝宿

感花

雕堂瞰寶欄有花病不妍誰知窮山頂牡丹一
尺圓寶欄鋤溉足窮山風日煎彼此不得地天
道胡爲然兩適終難得茲恨無窮年

廣陵大雪

淮南常歲冬猶燠今年陰沴何嚴酷黑雲漫天
月昏大雪飛揚平壓屋風力軒號助其勢擺
百舍琅摧凍木通宵徹晝不暫停堆積樓臺滿

溪谷有時造出可憐態柳絮梨花亂紛撲乘溫
變化雨聲來度日階庭恣淋漓幾榮寒霰不成
絲驟集踈簷還掛瀑

答袁陟節推遊禪智寺

春去惜餘景偶來郊外觀蕪城千古恨一顧殊
悲酸荒祠枕大道尚記吳城阡遠近綠陰合水
觀紅莢殘隴麥齊若翦隨風卷波瀾罷農喜有
望守臣心粗寬蕭疎禪智寺壞址不甚完叢花
亂芍藥籬竹摧琅玕空有亭亭栢成行如筆端

歷代詩選 宋 韓愈
供帳具朝膳僚案成清歡小杜詩板暗樂石曾
未刊乘興詣茶圃百步登平巒摘焙試烹啜甘
挹零露溥午過倦微暑堤路騰歸鞍天子憂歲
旱引咎古所難列郡承新詔朝夕弗敢安况此
行春意固不在遊盤

臘日出獵近郊

悲風吼林霜草白殺氣稜稜慘空碧因畋講事
比其時况值嘉平覆已隙暫整和門出近郊獵
獵旌旗原燒赤狩場一望天四垂貔虎意豪猶

恨窄鼓動圍開翼復箕人知部分如刀割飛走
竄伏不得暇狡兔幸生徒奮擲飢鷹眼捷翅頭
捷下韝風發無虛擲鵲拳交擊或未什繼嗾韓
盧追以昨忽穿叢薄失所捕耻焉便縱摩霄翮
不似寒鷗得腐鼠傲然有視鴛鷺嚇烏鶉鵲雉
曷足數亦有晨風競搜索其間駭獸欲陵突悍
卒爭趨矜手格前驅反施弗及舍丘山大委虞
中獲翻車瀉酒犒士衆萬刀割肉恣燔灸塞防
寓令豈徒然不在詩人刺荒癖王者設官猶取

歷代詩選 宋韓愈公 三
衆大姦宿猾許擒扼乘時廢職莫自效勿謂鷲
鳥無全策別有老狐智計巧只就高城營窟宅
疑冰識扱行步穩此日胡由見踪跡鵬兮鵬兮
未得志將軍憤懣如何釋

病鶴貽劉易

塵寰病思苦仙府歸魂勞秃翼敗風霰卑棲掩
蓬蒿池圃擯時玩鷄鳧豈吾曹誰知牢落心萬
里孤雲高

遊開化寺

開化得地勝崇侈何代作全山鑿佛身萬木亘
高閣煙霞無四時爲我張帷幙飛泉乘空來直
在庭砌落松柏森成行鬬狀蛟龍惡如整萬人
陣偏伍不敢錯距城纔一舍曠絕類霄垓噫吾
何自勞日窘吏事縛到官踰一碁未克造林壑
引疾得鄉邦晝錦行遂著猛拋公几煩不負真
境約精廬始一登百慮已澄却徘徊延賓僚開
席盛燕酌歌留嶺上雲吹亂風前鐸勿譏清賞
累粗繼東山樂

離并州至晉祠次韻答宣徽富公

公名傑出天下賢終身師慕常顚顚十年一面
數日別行行不忍移歸輶剛腸出淚收還注感
公知己難違去黃昏病作宿荒城離緒不堪紛
似雨

答陳舜俞推官惠詩求全瓦古硯

鄴宮廢瓦埋荒草取之爲硯成堅好求者如麻
幾百年宜乎今日難搜討吾邦匠巧世其業能
辨瓌竒幼而老隨材就器固不遺大則梁棟細

焚櫟必須完者始稱珍何殊巨海尋三島荆人
之璧尚有瑕夏后之璜豈無考况乎此物出坏
陶千耕萬斲常翻攬吾今所得不專全祕若英
瑤藉文纁君詩苦擇未如意持贈只虞哈絕倒
君不見見鎮圭尺二瑁四寸大小雖異皆君寶

孫賁書記以齊安舊文爲示感而成詠

余兄天聖中尚抑齊安守余遭所生憂得歸侍
左右孤螢獲苟存朝夕賴誨誘兄材無不宜吏
治孰可偶公庭常寂然所樂在文酒臨江風

樓次第壓城首山光拂軒檻波影撼窓牖原鶴
欵集間萬景皆吾有兄詩豪且奇氣燄摩星斗
優遊預賡和惟自愧荒醜于今四十年日月甚
奔走當時相聚者十已喪八九嘗爲春亭記烏
敢示不朽孫君里中來云亭廢亦久徒有舊文
在况足失其手兄後見曾孫弟老成衰叟一身
雖寵榮百慮鎮紛糾何如昔日歡悲泣念愛友
次韻和子淵學士春雨
天幕沈沈淑氣温雨絲輕軟墜雲根洗開春色

無多潤染盡花光不見痕寂寞畫樓和夢鎖依
微芳樹過人昏堂虛座密珠簾下試問淳于醉
幾樽

周沆著作宰秀州嘉禾

庇身名邑得嘉禾銅墨猶嗟滯俊科前席未期
宣室召聞絃還繼武城歌酒旗穿柳春堤迴魚
艇藏花夕唱和對此不勞披縣譜且求新句解
詩魔

叔平學士知青州

歷代詩選
外傳
厭直圖書府思爲海岱州郡符分竹使親膳潔
蘭羞文石輸忠密仙山進職優過家門納駟卜
地隴眠牛暮霰凌羈玉朝暎艷戟油恩寬敷漢
扎政善洽齊謳水際春芳盛尊中客醞浮物饒
三服麗居樂五民遊松鬣低容宴峯螺翠入樓
行聞西掖召真賞莫淹留

館直二闕

玉山岑寂雪花乾仙掌風高露未溥自笑曼都
凡格在一宵無柰月邊寒

章溝傳漏過三更霜壓寒威特地生苦恨回環
窗外鐸幾番幽夢不教成

和春卿學士柳枝詞

章街風曉起新眠寒食輕陰未雨天無限青絲
拂遊騎一生芳意負金鞭
淡燴輕日簇誰家微出青旗一帶斜對景似嫌
春意老更搖疎影掃殘花

和邃卿學士雪霽登祕閣

曉來延閣步層梯春色周圍一望低殘雪半留

歷代詩選 卷五
珠殿北非燿長護綺窗西幽情自逐歸鴻斷芳
意還因遠樹迷金匱有書猶未見祕封香篆鎖
芝泥

上巳前與同舍出郊過金明池
天波新綠染成春波面輕風起細鱗隔岸鳥聲
低弄曲出牆花艷遠含嚙柳經傷別還多緒鷗
爲忘機不避人三月偷遊仙署友肯思迢遞走
征輪

和春卿學士登廣文閣觀京闕之盛

層閣鬱嵒峩登臨逸意和雨餘春物動天濶夕
陽多棋布金杯第環通壁沼波泥中足車騎應
笑翟公羅

駕幸西太一官陌上耕者叱牛聲厲左右
皆笑之

皇心閔雨出西坳親禱靈宮致潔誠扈蹕不知
農事苦輦前爭笑叱牛聲

召赴天章閣觀新刻成仁宗御詩

天閣當年拂霧宣紫皇端展侍羣仙親揮龍鳳

軒騰字命繼咸韶雅正篇勸酌屢行均聖寵賜
花中出奪春妍玉峯光景都如舊但睇宸章極
泫然

上巳會興慶池

元巳開樽處垂花碧洞前綺羅明浩渺臺榭插
漪漣曲水來如篆輕橈去若仙春寒芳意晚未
見柳飛綿

上巳晚遊九曲池

九曲池邊第一開艤舟同賞盡高才灣流自得

黃河勢怪石應從紫閣來塵外悅迷仙境界竹
間深有古亭臺徘徊復至豐碑下花萼吁嗟作
盜灰

春陰馬上

正是風和日暖天重陰凌擾苦纏綿蕉心自結
憑誰展柳眼慵開只待眠草濕謾鋪留醉席榆
寒難擲買春錢幾時霞外氛霾散放出紅輪一
丈圓

會故集賢崔侍郎園池

崔園高絕五門西塵外風光是處宜
唐室舊池因地得漢官遺址上樓知
青螺萬嶺前爲障碧竹千竿近作籬
我在鄴臺殊草創一來尤覺憇歸遲

山樓

西北高樓上南山日面欄勢籠秦地勝
陰落渭波寒帶雨新屏活穿雲古道難
仙局如可造便擬挂朝冠

流杯

迢迢穿花出彎環作篆來若非天上醴
不泛洞中杯水鳥浮還沒仙航去復回
蓬瀛真境事銷得玉山頽

石林

叢石競嶄巖當軒翠撲嵐疑峯何啻九
仙島迥侔三潤極雲猶抱溫多玉尚含
樓高慵引望坐看小終南

再題休逸臺

冰井梁摧幾百秋昔移爲柱立臺頭
層基面壘

盤蝸殼倒影侵池側
蜃樓拂檻落霞凌
綺席入簷初月誤
瓊鉤芳林已合陰
成茂不見西山涌
萬丘

觀魚軒

雨後方池碧漲秋
觀魚亭檻俯臨流
時看隱荇駢頭戲
忽見開萍作隊游
喜擲舟前翻亂錦
靜潛波下起圓漚
吾心大欲同斯樂
肯插筠竿餌釣鉤

中秋席上

去年西洛過中秋
正怯清光刺病眸
此夜北都逢好月
喜延嘉客上高樓
真居自與風塵絕
雅句須窮造化搜
但引流霞歌白雪
豈殊身在廣寒遊

九日水閣

池館隳摧古榭荒
此延嘉客會重陽
雖慙老圃秋容淡
且看寒花晚節香
酒味已醇新過熱
蟹黃先實不須霜
年來飲興衰難強
漫有高吟力尚狂

歷代詩選 宋 韓魏公 十一
次韻答致政趙少卿

登科常愧處盧前，敘齒于兄小十年。
鶴不稱軒猶自若，鴻誰能弋已安然。
山頭俗駕歸誠晚，湖外扁舟見獨先。
惟有大鈞公道在，方圓隨物舊同甄。

九月四日會安正堂

秋光濃拂使君家，尚去重陽五日賒。
且誦好詩成素飲，更先諸客對黃花。
池萍漬雨錢錢密，塞雁書空字字斜。
但縱高吟開醉膽，莫驚搖蕩動

悲嗟

壬子三月十八日遊御河

三月遊河魏國風，愜山通日正暄融。
壓沙寺古花殘雪，過馬橋高水飲虹。
衆樂自深春色外，萬愁俱泯醉吟中。
天公恐雨傷民意，只放輕雲暝碧空。

八月十九日賞菊

春英無不惜，開遲秋菊常。
懷素景悲憤，負晚霜甘索寞。
忽逢先閨促，離披欲移庭。
檻嫌傷早擬

歷代詩選 宋 韓愈 公 十一
泛賓罍未入時自是寒花當守分一違佳節速
人嗤

初冬祀墳

曉乘輕凜上平岡西欵親瑩一舍強帶靄遠峯
時隱見半霜殘葉雜青黃來牟渴雨空成隴賓
鴈衝雲自着行此日初冬嚴祀事只增歎感不
夸鄉

提舉陳龍圖遷居邢臺

鄉居新葺後歸興邈難招老去重離別秋來添
寂寥雲橫初送雁渡淺未成橋千里猶思駕封
圻幸不遙

崔象之宰韓成

去年同舉菊花觴自揭清音入醉鄉此日高秋
來一別幾旬佳節亦重陽風生古操安新治雨
徹疎茅鎖舊堂民里更繁應自化宰君心地本
空王

石倉十二代詩選

宋詩卷之五 終

石倉十二代詩選

空王

澹烟紫餘香堂月里更寒
來一照笑自非清亦重
去年同與藤林離自歸
昔年同與藤林離自歸

宋介休文彥博著

石倉十二代詩選

宋詩卷之六

宋介休文彥博著

明後學曹學佺閱

留守相公寵示東田讌集詩依韻和呈

嘗同徐勉構東田花竹成陰雨後天為愛憲臺
寬白簡得隨相府賞紅蓮清樽屢醕吟情逸紅
袖頻翻舞態妍歸興直須三鼓盡月華應是十
分圓

留守相公寵賜雅章召赴東樓真宰之會

次韻和呈

朱樓華閣府園東，蝸陋仍依美庇中。
儉幕深嚴依綠水，楚臺高迥快雄風。
四絃清切呈新曲，雙袖蹁躑試小童。
况是元規興不淺，歸軒爭敢便
怱怱

次韻留守相公同遊龍門

鑿開青嶂啓天門，直瀉伊流淺汝濱。
八節驚濤鼉振鼓，千花寶塔鴈翔雲。
崑隈雨過飛泉漲，谷口風回隳葉紛。
龕穴陰穹三像列，樓臺華煥兩

崖分方陪茜旆來，尋勝不就蒲飡趁。
茹葷北里笙竽皆擁從，東山羅綺半酣醺。
升堂共覩瞻仙貌，策杖同尋古士墳。
喜脫貂冠親野老，幸隨熊軾附邦君。
林巒岑寂真堪賞，市井喧華漸厭聞。
人度長川猶隱映，香銷古殿尚氛氲。
周生歸後蘭重佩，荀令行時蕙更薰。
曉露未晞珠滴淚，秋花爭發錦挑文。
羣娃散步塵生襪，小舫爭登水濺裙。
釣叟旁觀皆歎羨，禪師迎謁盡歡欣。
旣無冗局羈閒迹，恐促回軒背夕曛。
得向石頭溪上

歷代詩選 卷六 飲從今遂不畏移文

知府學士堯夫遠寄雅章曲念衰老謹依

高韻和呈粗伸感佩之意

幾年洛社盍朋簪照席瓊枝秀出林月夕同遊
詩筆健花時共賞酒杯深帝綸中出榮開府使
節西馳愴判襟遠寄佳章念衰朽知君最有歲
寒心

和致政張徽大夫見貽之什

自愧無才濟世難貂蟬掛了謝朝班襟形散逸

塵埃外杖履逍遙水石間君亦早拋華省貴人
皆仰羨白雲閒湖溪聞與郊居近不用拈錢剩
買山

送彌陀實師訪積慶西堂順老

好去三摩地相逢兩會家禪心究實際惠眼絕
空花聞在東林日常烹北苑茶願將甘露味餘
洒濟河沙

感舊念遊作憶鱸詩

西風一棹思鱸興杙檝塵纓歸舊廬最憶香山

石樓下清伊深處釣寒魚
追思洛社閒遊伴屈指于今大半亡若到龍門
更聞笛定知悲感似山陽

清明日玉津園賜宴卽席
節應桐華始筵開禁苑新推恩緣舊物加惠及
陳人衆樂聞天奏同寅會柄臣蘭肴享豐潔桂
醕酌芳醇覆育需雲廣涵濡湛露均桑榆垂晚
景何路報堯仁

西歸日瓊林苑賜宴卽席

竊祿叨榮四紀餘退思僥倖亦無如趨朝再覩
新宮省解綬還歸舊里廬報國丹心明皎皎戀
軒疲足去徐徐羣公盡出都門祖盛事光于漢
二疏

臣伏蒙聖恩今月二日就瓊林苑特遣中
使寵賜御詩仰味聖言恭披宸翰曲推
恩禮過獎愚臣感愧之深負荷弗克輒
課愚陋恭和聖製

老臣爲感聖恩殊趣洽輕裝覲帝居錫宴便藩

親鳳辰賜章重疊捧龜書康時有志才終短報
國無功術已疎身在洛陽心魏闕願傾丹懇上
公車

送圓明大師歸吳興

數曲清琴達舜聰瑤津仙苑助薰風朝端多士
知音久霄上故棲歸思濃命服鮮華新爛熳行
裝輕簡舊焦桐鄉人若問大檀越盡在名經千
部中

某再獲謝事歸老洛帥留守相公玉汝寵

惠台什過形獎予謹達來貺

一聖恩深念老臣許從休退樂伊濱重觀景物
皆塵迹喜見居留是故人林下放懷無簡束樽
前道舊長精神公雖久作東田伴却佇黃樞秉
化鈞

野意山情頗以自適故作是詩

引得清伊一派通二灣相接勢無窮便成渺渺
江湖趣更有蕭蕭蘆葦風西洛故年為勝地東
田今日屬衰翁藥園事迹分明在盡見雲卿舊

記中

遊東田八韻

造物平津閣風流太傅山勝遊松島外故迹藥
 園間霜蔕編為屋寒荆刈作關窓樞雲漠漠畦
 竇水潺潺蘆渚炊煙起萍漚釣艇還竹經朝雨
 翠荷借夕陽殷幽興能招隱高情自愛閒從來
 行樂處携手一開顏

題郭熙畫樵夫渡水扇

淺水深山一徑通樵夫涉水出林中可憐畫筆

多情思寫在霜統一扇風

次韻留守相公玉汝以某赴東庄特賜佳

同因書篇會

東郊瘠土纔千畝繞舍團椒僅百家地接玉泉
 多草木路經緱嶺少風沙能留過客雖無餌時
 對清樽亦有花昔日相君曾降顧常憂蝸陋不
 容車

某以端居多暇懷洛成詩蒙家運使兵部
 俯垂屬和拙詩伸謝

歷代詩選 卷六 九
倦翼念歸林幽懷動越吟更回谿叟信深契野
雲心巴里傳高唱英韶繼善音便須傳洛社紙
價重千金

偶書答岐守吳卿幾復北京作
君說歸期未有期西風又是繪鱸時何當會集
香山伴同赴松窓燭下棋

耆老會詩

九老唐賢形繪事元豐今勝會昌春垂肩素髮
皆詩彥揮塵清談盡席珍染翰不停詩思健飛
觴無筭酒行頻蘭亭雅集誇脩禊洛社英遊忝
序賓自愧空疎陪几杖更容欵密奉簪紳當筵
尚齒尤多幸十二人中第二人

次韻秦帥經畧呂通議過洛少留

喜過西都暫解鞍樽前不惜醉酡顏推襟道舊
從容久落筆成詩頃刻間塞外定知威令肅幙
中嘗得雅歌閒相門出相歸人望瑣闥難淹侍
從班

近聞有真率會呈提舉端明司馬

酒帘聖時非吏隱賢業繁民瞻撫事惟公論摛
 辭乃自謙保躬誠易退康世義難淹類句慙無
 取酬言幸不嫌良吏貪無財以貪故不兼其文
 樂未奉陪伯温中散程伯康朝議司馬君從大
 具古貴夫席于所居小園作同甲會郵自戲
 西人三百十二歲况是同生丙午年招得梁園
 工賦客合成商嶺採芝仙清談疊疊風盈席素
 髮影影雪滿肩此會從來誠未有洛中應作畫
 圖傳人難難難字由西京八更前晉坐八否

會錄 留守相公和提舉端明作三壽公字韻詩

韻錄 輒繼前韻州端明徐公與香寒林

三川開盛府萬鎰王離宮雪苑延梅叟湖園奉
 晉公因依念有素出處幸多同雅會歡言意人
 推前輩風

谷龐相家園雖陋春物向榮日羹相車時

枉遊覽未蒙寵降承貺佳章謹次嚴韻

一廛幽趣丰城西竹映軒窗柳拂堤園吏每誇
 風物美主人常歎簿書迷碧池荷動觀魚戲朱

檻梧傾待鳳栖惟願毗耶長者至莫憂花裏有
鶯啼

附范鎮詩

信相院慧燈

行樂到蕭寺像殿何煌煌僧年過九十細話燈
燄長方憶鄙亂時初離父母鄉是時循舊跡晝
夜不暫忘自事膏火來日就與月將始卒未嘗
暗眉髮皆如霜禦風設絳紗求福兼異香寒村
會織女借餘坐如筐陋巷苦志士鑿壁偷隣光

太息日已暮百結忡心腸顛此事億萬聊書成
短章

送程端明再鎮成都

成都一都會千里帶坤維自昔公坐嘯至今人
去思朝廷慎東注方面要安綏遂爾重藩屏因
之職殿帷龍光出劔外謳頌走江滸曉雪離都
馭春風入境旗壺漿故父老竹馬舊僮兒疊足
相歡躍同心仰福禧邦人顧若此邑子更何其
會講中和化重為樂職詩

遊昭覺寺

炎蒸無處避此地忽如寒松砌行無際石房禪
自安鴛鴦秋沼漲蝙蝠晚庭寬登眺見田舍衡
茅半不完

淨衆寺新禪院

金地西郊外一來煩惱摠凡逢似仙境解不屬
僧居听綠見翹鷺溪清無隱魚殘陽已周覽欲
去幾躊躇

武侯廟柏

滿葉是清霜培根無沃土耻作秦皇松寧爲馮
異樹英靈自有風蔭蔚長如雨可憐青青姿不
知人事古

留題張少愚屋壁

高隱郟城下平時仍往還門開值冠蓋簾卷爲
江山沛雨人間待浮雲天外閒泥封詔不起朝
夕奉慈顏

送羅勝卿同年提舉玉局觀

疋馬西歸去知君得意偏人情重鄉里官職更

歷代詩選 宋范蠡公卷六
神仙曉後無衙喏
旬頭有俸錢何須駕白鶴
辛苦上青天

送羅郎中登管勾玉局化

五門門裏觀松檜
日蕭疎道話忘心境
仙歌作步虛
壇場高突兀
廊廡四紉餘
世事多紛擾
君心定了如

韓太丞同守成都次韻

盛府佳招貴
嚴宸雅寄深
輿題仲舉至
闕掛千牟
心漢竹分新
契潘花過舊
陰當年百里驥
方

此試駸駸

近境連桑陌
先遊盛竹林
併將懷舊意
持作惠

時心藻思春
生筆清機月
滿襟成風錦
江曲廻

上玉山岑

春色草將深
春寒柳未陰
青天指行棧
淥水蕩

離襟後乘何
為託前旌
喻此心南枝
倦飛翼憑
為寄歸音

仲遠龍圖見邀學射之遊先寄五十六言
幾年魂夢寄西州春晚歸逢學射遊十里香風
塵不動半山晴日雨初收指攜武弁呈飛騎次
第紅粧數勝籌火道綺羅瞻望處管絃旌旆擁
遨頭
和閻寺丞海雲寺日
春日金田驩且謹始因民俗好紛奢管絃齊奏
喧聞野鶯鷺高飛不在花雕檻凭時見城郭廻
廊行處有煙霞方塘靈石從來信不獨當年太

守誇
守誇
守誇

登崇聖閣

金地環迴半錦城累年斤斧不停聲遠村民舍
煙未起滿寺僧筵鐘盡鳴欄檻高低資眺覽市
塵言笑尚分明阿房昔日徒虛語壯麗應虧此
畫楹

和提刑海棠

不知真宰是誰專生得韶光此樹偏吟筆偶遺
工部意賦詞今識翰林權風翻翠幕長香入霞

照危檣夕影連移植上園如得地芳名應在紫
薇先

和成都吳仲庶見寄來韻

歲華今緩昔如流舊日樊籠可自由官事了時
無盡極人生安處且閒休愚忠皎皎丹心老歸
思綿綿兩鬢秋縱使海棠時節過急行須及浣
花遊

其二

濯錦江深惠澤流西人都未究蹤由耕疇擁耒

春還動織戶鳴機夜不休講德定應勞四子富
民須合用千秋鳳凰臺上需賢久却恐龜城作
斲遊

其三

山橫雙劔水雙流棲北巢南去未由三尺素琴
彈浩浩一爐丹藥詠休休白巖霜重紅梨曉銀
礫煙深紫芋秋每夜夢魂歸處路只應明月見
神遊

題曹山人墅居

橋外浣花溪水通山人高隱在其中一江絲竹

喧天沸爭及松篁半日風

如公

新製淵崇幸無每或夢曉臨風只感四只良

石倉十二代詩選補本亦自宋詩卷之六

終

其二

松縱使

另取合用干林鳳凰臺上需資人吐恐離難

春數種難真則難或不利精謝安觀於四子富

石倉十二代詩選天德效韻或宋詩卷之七

丹陽集

春日林樂論與非專與宋吳郡范仲淹著

聖人謝黃惣太博見示文集命劍且或人及而

松桂有嘉色不與眾芳期金石有正聲詎將羣

響隨君子著雅言以道不以時仰止江夏公大

醇無小疵孜孜經緯心落落教化辭上有帝皇

道下有人臣規邈與聖賢會豈以富貴移誰言

荆棘滋獨此生蘭芝誰言鼃黽繁獨此蟠龍龜

豈徒一時異將爲千古奇願言周召風達我堯
舜知致之諷諫路陞之誥命司正雅正得失五
典陳雍熙頌聲格九廟王澤及四夷自然天下
文不復迷宗師

農

聖人作耒耜蒼倉民乃粒國俗儉且淳人足而
家給九載襄陵禍比戶猶安輯何人變清風驕
奢日相襲制度非唐虞賦歛由呼吸傷哉田桑
人常悲大絃瑟一夫畊幾壠遊墮如雲集一蠶

吐幾絲羅綺如出入太平不自存凶荒亦何及
神農與后稷有靈應爲泣

寄題孫氏碧鮮亭

天地何風流復生王子猷黃金買碧鮮綠玉排
清秋非木亦非草東君歲寒寶耿耿金石性雪
霜不能老清風乃故人徘徊過此君泠泠釣天
音千載猶得聞應是聖賢魄鍾爲此標格高節
見直清靈心隱虛白粉筠多體貌錦籜見兒童
上交松桂枝下結蘭蕙叢秀氣藹晴嵐翠光疑

綠水明月白露中靜如隱君子不願湘靈泣不
 求伶倫吹鳳凰得未晚蛟龍起何時蕭蕭雲水
 間良與主人宜紅塵滿浮世何當拂長袂坐嘯
 此亭中行歌此亭際逍遙復逍遙不知千萬歲
 前咏明月謠非草東昔秋寒實想烟金石掛雲
 明月在天西初如玉鈎微一夕增一分堂堂有
 餘輝不掩五星耀不礙浮雲飛徘徊河漢間秀
 色若可殫清風起叢桂白露生堦蘭高樓望君
 時爲君拂金徽奏以堯舜音此音天與稀明月

或可聞顧我亦依依月有萬古光人須萬古心
 此心良可歌憑月爲知音

初秋清風謠

吹拂兩無情而涼更何意
 清風何處來先此高高臺蘭叢國香起桂枝天

籟迴飄飄度清漢浮雲安在哉萬古鬱結心一
 且爲君開有客慰所思臨風久徘徊神若遊羣
 胥身疑立天台極渴飲沆瀣大暑執瓊瓌曠如
 携松丘騰上煙霞遊歷如卽莊老語入逍遙道
 朱絃鼓其薰可以解吾民滄浪比其清可以濯

吾纓願此陽春時勿使飄暴生千靈無結愠萬
卉不摧榮庶幾宋玉賦聊廣楚王情人

馴鷗詠

萬物有常性性無不貴生鳳翔與駿奔一遠
害情航彼沙上鷗皎皎霜雪明月宿滄洲靜日
浴滄浪清何以狎溪人溪人澹無營循循自飲
啄徃徃相逢迎徘徊兩無猜何慕復何驚客有
懷依依雲水言將歸逐爾羣鷗樂羣鷗爾勿飛
此心未忘者天機非殺機

公路澗

曹公與袁紹常爭據此地

嵩高竅靈源北望洛陽注清流引河漢白氣橫
雲霧英雄惜此地百萬曾相距近代無戰爭常
人自來去

拜馬澗

子晉登仙遺馬于此鄉人見之皆拜

傳聞王子晉澗邊遺一驥當時青雲路雞犬亦
可致未必真龍媒悠悠在平地

二室道

太室何森聳少室欲飛動相對起雲霞恍如遊

仙夢何以寵此行行歌降神頌

天門泉

天門有靈泉塵埃未嘗至日月自高照雲霞亦
輝庇惟抱夷齊心飲之可無愧

峻極上寺

徘徊峻極寺清意滿煙霞好風從天來吹落桂
樹花高高人物外猶屬梵王家

嵩高最高處逸客偶登臨廻看日月影正得天

地心念此非常遊千載一披襟

聽真上人琴歌

銀潢耿耿霜稜稜西軒月色寒如水上一叩
朱絲繩萬籟不起秋光凝伏羲歸天忽千古我
聞遺音淚如雨嗟嗟不及鄭衛兒北里南隣競
歌舞競歌舞何時休師襄堂上心悠悠擊浮金
戛鳴玉老龍秋啼滄海底幼猿暮嘯寒山曲隴
頭瑟瑟咽流泉洞庭蕭蕭落寒木此聲感物何
太靈十二銜珠下仙鶴爲余再奏南風詩神人

和暢舜無爲爲余試彈廣陵散鬼物悲哀晉方
亂乃知聖人情慮深將調四海先調琴與二下哀
樂不我遁坐中可見天下心
湖山滿清氣賞心甲吳越晴嵐起片雲晚水連
初月漁父得意歸歌詩等閑發
筠亭
爲愛碧鮮亭入夏灼灼至臺榭競生煙獨有清
涼意高岡鳳不來幽人此沈醉

風笛

風引湖邊笛馬知非隱淪一聲裂雲去明月生
精神無爲落梅調留寄隴頭人

渚蓮

武陵誰家子波面雙雙渡空積心中絲未成機
上素似其織女期秋宵苦霜露

和葛閔寺丞接花歌

江城有卒老且貧憔悴抱關良苦辛衆中忽聞
語聲好知是北來京洛人我試問云何至是欲

語汎瀾墮雙淚斯須收淚始能言生自東都富
貴地家有城南錦繡園少年只以花爲事黃金
用盡無他能却作瓊林苑中吏年年中使先春
來晚宣口勅修花臺竒芬異卉百餘品求新換
舊爭栽培猶恐君王厭顏色羣芳只似尋常開
幸有神仙接花術更向都城求絕匹梁王苑裏
索妍姿石氏園中搜淑質金刀玉尺裁量妙香
膏膩壤彌縫密迴得東皇造化工五色敷華異
平日一朝寵愛歸牡丹千花相笑妖嬈難竊藥

嫦娥新換骨嬋娟不似人間看太平天子春遊
好金明柳色籠黃道道南樓殿五雲高鈞天捧
上蓬萊島四邊桃李不勝春何況花王對玉宸
國色精明動韶景天香旖旎飄芳塵特奏霓裳
羽衣曲千官獻壽羅星辰兌悅臨軒逾數刻花
吏此時方得色白銀紅錦滿牙牀拜賜仗前生
羽翼惟觀風景朝仍暮一心歲歲供春賦中途
得罪情多端刻木在前何敢訴竄來江外知幾
年骨肉無音鴈空度北人情況異南人瀟灑溪

歷代詩選 卷七
山苦無趣子規啼處血爲花黃梅熟時雨如霧
多愁多恨信傷人今年不及去年身目昏耳重
精力減復有鄉心難具陳我聞此語聊悒悒近
魯侍從班中立朝違日下暮天涯不學爾曹向
隅泣人生榮辱如浮雲悠悠天地胡能執賈誼
文才動漢家當時不免來長沙幽求功業開元
盛亦作流人過梅嶺我無一事逮古人謫官却
得神仙境自可優優樂名教曾不恹恹弔形影
接花之技爾則竒江鄉卑濕何能施吾皇又詔

還淳朴組織文章皆棄遺上林將議賜民叟似
昔繁華徒爾爲西都尚有名園處我欲抽身希
自傳一日天恩放爾歸相逐栽花洛陽去

聞且天平山白雲泉

茲山水音錄卷三十五

靈泉在天半狂波不能侵神蛟穴其中渴虎不
敢臨隱照涵秋碧泓然一勺深游潤騰雲飛散
作三日霖天造豈無意神化安可尋挹之如醴
醐盡得清涼心聞之異絲竹不含哀樂音月好
羣籟息涓涓度前林子晉罷雲笙伯牙收玉琴

屏何詩選
若今萬里江海源千秋松桂陰茲焉如有價北
斗量黃金
留題常熟頂山僧居
平湖數百里隱然一山起中有白龍泉可洗人
間耳吾師仁智心愛茲山水音結茅三十年不
道日月深笑我名未已來問無端理却指嶺邊
雲斯焉贈君子
和楊旼孤琴詠
秋漢我願宮商絃相應聲無間自然召南風莫
起孤琴歎

絳州園池

絳臺使君府亭閣參園圃一泉西北來羣峰高
下覩池魚或躍金水簾長布雨怪栢鎖蛟虬醜
石鬪羆虎羣花相倚笑垂楊自由舞靜境合通
仙清陰不知暑每與風月期可無詩酒助登臨
問民俗依舊陶唐古

晉祠泉

神哉叔虞廟地勝出嘉泉
一源甚澄靜數步忽潺湲
此異孰可窮觀者增恭虔
錦鱗無敢釣長生同水仙
千家溉禾稻滿目江鄉田
我來動所思致主愧前賢
大道果能行時雨宜不愆
皆如晉祠下生民無旱年

中元夜百花洲作

南陽太守清狂發未到中秋
先賞月百花洲裏夜忘歸
綠梧無聲露光滑天學碧海
吐明珠寒

輝射空星斗疎西樓下看人
間世瑩然都在青玉壺從來
酷暑不可避今夕涼生豈天
意一笛吹銷萬里雲主人高
歌客大醉客醉起舞逐我歌
弗舞弗歌如老何與君贊
送鄖鄉尉黃通
少年好逸驥老者重安車爭
先尚逐逐致遠貴徐徐勿言
一尉卑千戶繫慘舒外矜固
不足內樂則有餘子游與季
路作邑寧歛歛五斗對萬鐘
所問道何如

依韻和襄陽王源叔龍圖見寄

高車赴南峴敝郊主東道風采喜一見布素情
相好屈指四十秋于今歲寒保我起爲君壽善
頌復善禱願盡杯中物薄言理可到君子貴有
終功名非必早朝端卿大夫所尚賢而老世慮
久乃周聖門深已造與君誓許國無忝于祖考
潔如鳳食竹樂若魚在藻安得長相親時時一
絕倒不忘平生期明月滿懷抱

賦歸鴈

春柳西對

音人間

然

稻梁留不得一一起江天帶雪南離楚和春北
入燕依依前伴侶歷歷舊山川木葉程猶遠梅
花信可傳子規啼到曉鸚鵡鎖經年應羨冥冥
者東風羽翼偏

寄歐靜秀才

寂寥

野色

非煙亦非霧幕幕映樓臺白鳥忽點破夕陽還

照開肯隨芳草歇疑逐遠帆來誰謂山公意登
高醉始迴

酬滕子京同年

謝家風雅若為酬散吏方耽海上遊疎懶幾忘
傳筆夢寂寥仍有負薪憂欲歌蘭雪歸真隱敢
向簪軒競急流如共茂先瞻氣象莫言神物在

南州

題翠峰院范蠡舊宅

翠峰高與白雲閒吾祖曾居水石間千載家風

應未墜子孫還解愛青山

試筆

偶緣疎拙得天真豈問前途屈與伸車馬縱能
欺倦客江山猶可助騷人懶如叔夜書盈几狂
似淵明酒滿巾况有南窗姬易在此心那更起
纖塵

送何白節推宰晉原

盛府兼名邑榮歸指故林多年望鄉淚萬里倚
門心江館春寒薄山程晚翠深板輿迎侍日桃

李正芳陰春寒萬山野興翠彩殊與數奇日林

送石曼卿

龍計如林多玉皇澤氣萬里奇

河光嶽色過秦關英氣飄飄酒滿顏賈誼書成

動西漢謝安人笑起東山亨途去覺雲天返舊

隱回思水石閒此道聖朝如不墜疏封宜在立

譚間容四山餘可如蜀人謝收妹文書盈小玉

送韓瀆殿院出守岳陽

風吹中車馬歸道

仕宦自飄然君恩豈欲偏纔歸劔門道忽上洞

庭船墜絮傷春日春濤廢夜眠岳陽樓上月清

賞浩無邊

燕郊遊烏龍山寺

表景壯觀我遊不始真賞

高嵐指天近遠溜出山遲萬事不到處白雲無

盡時異花啼鳥樂靈草隱人知信是棲真地林

僧半雪眉

江干閒望

真賞官前燕郊遊烏龍山寺表景壯觀我遊不始真賞

江干日清曠寓目一搢筇落葉信流水歸雲識

舊峰蘭蓀誰共采鳧鴈自相從莫愛蘋風起波

來千萬重

桐廬郡齋書事

千峰秀處白雲驕
吏隱雲邊豈待招
數仞堂高誰富貴
一枝巢隱自逍遙
杯中好物閒宜進
林下幽人靜可邀
莫道官清無歲計
滿山芝朮長靈苗

洞庭山

吳山無此秀乘暇一遊之
萬頃湖光裏千家橘熟時
平看月上早遠覺鳥歸遲
近古誰真賞白雲應得知

虎丘山

昔見虎耽耽今爲佛子巖
雲寒不出寺劒靜未離潭
幽步蘿垂徑高禪雪閉庵
吳都十萬戶煙瓦亘西南
應制賞花釣魚萬彙嘉亨
日皇心豫宴辰萃林新濯
雨靈沼正涵春帝幄紛仙
藹天鈎擲錦鱗洋洋頌睿
唱賡頌浹簪紳

過餘杭白塔寺

登臨江上寺遷客特依依遠水欲無際孤舟曾
 未歸亂峰藏好處幽鷺得閒飛多少天真趣遙
 心結翠微
 芝山寺
 樓殿冠崔嵬靈芝安在哉雲飛過江去花落入
 城來得食鷓朝聚聞經虎夜回偶臨西閣望五
 老夕陽開

遊廬山作

五老閒遊倚舳艫碧梯嵐逕好程途雲開瀑影
 千門掛雨過松黃十里鋪客愛往來何所得僧
 言榮辱此間無從今愈識逍遙旨一聽升沈造

化鑑

依韻和延安龐龍圖柳湖

種柳穿湖後延安盛可遊遠懷忘澤國真賞即
 瀛洲江景來秦塞風情屬庾樓劉琨增坐嘯王
 粲乍銷憂秀發千絲墮光搖匹練柔雙雙翎乳
 燕兩兩睡馴鷗折翠贈歸客濯清招隱流宴回
 銀燭夜吟度玉關秋勝處千場醉勞生萬事浮

王公多雅致思發共仙舟

和延安龐龍圖寄岳陽滕同年

優游滕太守郡枕洞庭邊
幾處雲藏寺千家月在船
疎鴻秋浦外長笛晚樓前
旋撥醅頭酒新魚縮項
編宦情須淡泊詩意定連綿
迥是偷安地仍當飽食年
只應天下樂無出日高眠
豈信憂邊處胡兵隔一川

依韻酬太傅張相公見贈

出處曾無致主功南陽爲守地猶雄
醉醒往日

慙漁父得失今朝賀塞翁
七里河邊歸帶月百

花洲土嘯生風卧龍鄉曲多賢達
願預逍遙九

老中

知府孫學士見示和終南監官大保道懷

因以綴篇

玉皇近侍請脩真賜得南山十里雲
樽有聖賢聊自慰鼎多龍虎復誰分
謝家山色朝晡見陶隱松風寤寐聞
萬物已齊無一事獨醒惟笑醉醺醺

其二

漢陵高興自飄飄何必天台渡石橋
 潭上藥靈多餌菊林間詩逸半書蕉
 勤歌蘭珮招逋隱懶事塵縷逐案僚
 客有赤松盟約在異時猿鶴不相遼

其三

淵明飲隴上歌隨桀溺耕三樂放懷千古重
 萬鐘回首一毫輕鵬鷁共適逍遙理誰復
 人間問

不平

石倉十二代詩選


宋詩卷之七


原住詩選
宋海文正

卷五

七

木本





7